

Investitori popisali ključne prepreke za ulaganje u BiH

Bijela knjiga za svaki biznis

Najveće prepreke za investiranje uočene u osam područja

Vijeće stranih investitora BiH jučer je u Sarajevu, u prisustvu visokog predstavnika u BiH Valentina Inzka, predstavnicima vlasti prezentiralo listu prioriteta reformi za poboljšanje poslovne klime u zemlji. Ključne prepreke za veće i uspješnije ulaganje u biznis, otvaranje novih radnih mjesta i povećanje proizvodnje vide u Ustavu, administraciji i birokratiji.

Dokument Bijela knjiga sagledava prepreke kod registracije poslovanja, dobivanja boravišne i radne dozvole za strane državljane, poreze, pribavljanja građevinske dozvole te ostvarivanje prava koja proizilaze iz radnog odnosa i primjene Zakona o privrednim društvima, izvršnom postupku, a u Federaciji BiH i o likvidaciji kompanija.

- To je put kako okončati siromaštvo i nezaposlenost i donijeti prosperitet koji je već predugo uskraćen građanima ove zemlje, kazao je Inzko.

Bijela knjiga ne samo da utvrđuje prepreke koje onemogućavaju okončanje siromaštva i podizanje životnog standarda nego ovaj dokument, također, preporučuje koji kora-



Sa prezentacije Bijele knjige u Sarajevu

Foto: S. GUBELIĆ

INZKO
To je put kako
okončati
siromaštvo i
nezaposlenost i
donijeti prosperitet
koji je već
predugo uskraćen
građanima
ove zemlje

ci se mogu poduzeti kako bi ove prepreke bile eliminirane. Ona, prema Inzkovim riječima, može ohrabriti političke lidere i parlamentarce koji imaju zadatak da utvrde i provedu korake koji će preokrenuti bh. ekonomiju.

- Vlasti moraju donijeti zakone iz oblasti ekonomije za 21. vijek, koji će obezbijediti pravnu sigurnost i poslovnu predvidivost te time podsticati

investicije i nova radna mjesta. One moraju modernizirati i racionalizirati sistem bankarske supervizije kako bi se podstakao bankarski sektor i njegov doprinos razvoju ove zemlje te dalje razraditi mehanizme za dijalog s poslodavcima i radnicima, kako bi se utvrdila najbolja rješenja za probleme i podstakao ekonomski rast, sugestija je visokog predstavnika.

H. A.